

涇陽縣志卷十八

金石畧

歐趙不作畢王亦古樂石吉金誰收誰補勉茲蒐羅以張涇  
土述金石畧第四

漢池陽宮銅行鐙

典史姜君榮所藏銘曰池陽宮銅行鐙重二斤六兩甘露四年  
工虞德造又銘曰守屬陽徵邑丞聖佐博臨銘文小篆

按甘露漢宣帝年號此鐙乃左馮翊徵邑所供也佐者徵邑  
佐守屬乃馮翊太守屬陽聖博臨皆人名漢徵邑今同州府  
澄城縣

西弗生鼎

銘在鼎底大篆文作西弗生三字不知何代物亦典史姜君榮

涇陽縣志

卷十八

金石畧

一

所藏故類錄於此

尹吉甫碑

按此碑見唐十道志在漢池陽城內而未言其為何代所立宋  
代金石家歐趙王薛諸公皆未著錄宋次道長安志亦据十道  
志而言究未知宋世此碑存否也今漢城已無跡可尋仍存此  
名俾訪碑者益深古懷焉

鄧太尉祠碑

苻秦甘露四年立在縣南二十里南賈村鄧太尉廟中

按南賈村今屬瑞寧鄉於宋為河池鄉長安志所云鄧太尉  
廟在河池鄉是也自來金石家未著錄歐陽公金石錄有鄧  
艾碑艾曾封太尉似此題所稱魏鄧太尉者當是鄧艾洪編  
修亮吉十六國疆域志前秦渭城縣下引甘露四年鄧太尉

祠碑則此碑編修有之畢尙書關中金石記出編修之手不知何以不載也碑記重修鄧太尉祠之事而修者之名已泐去僅存其姓鄭而已據編修所引其名乃是鄭能遠也水衡都尉下泐一字應是石字涇陽縣南七里有石安原石勒於此置石安縣符秦改爲渭城縣此碑建於甘露四年縣名尙未改故仍稱石安令也首數行自馮翊護軍至除右護軍是敘其頭銜下云甘露四年十二月二十五日到官是敘其莅官日期下云北接元朔至雜戶七千是敘其所治之人與地下文履惟忠孝云云是敘其爲人下文以太尉鄧公祠云云是敘修祠之事下文左降爲尙書庫部郎云云是敘其罷官後列掾屬題名剝蝕大半其存者亦不可考惜不得編修所藏全本以正之

唐儀鳳元年陀羅尼經幢

在石庄村大路邊字跡模糊

唐故逸人竇居士神道碑

天寶 載立在縣北魯橋鎮

按魯橋鎮在三原縣北本涇陽境也關中金石記金石萃編皆謂在三原縣蓋以境接三原而誤李邕撰文段清雲正書范岌題額今但存北海郡太守李邕撰而已段范二人題銜皆不存文亦剝去大半不可句讀末行奉元路涇陽縣尹下亡其名據關中金石記蓋姚遠禮也

唐上柱國贈雲麾將軍朱公神道碑

長慶元年二月立蘇遇撰文曹郢行書並篆額在魯橋鎮

按碑文已泐可讀者尙餘一半關中金石記金石萃編謂在

三原者誤也張伯靖之叛在元和六年孝誠以官者銜命撫諭息數州兵其功殊大史但紀崔能嚴綬潘孟陽柳公綽等破伯靖而遺孝誠何也又嘗城天德護淮西軍監李師道軍皆著勞績唐書宦者傳無孝誠名蓋宋時此碑尙未出土修史者無所据也

唐長慶元年尊勝陀羅尼經幢

在社樹村海角寺損爛

唐太和七年佛頂尊勝陀羅尼經幢

在大安寺門外字模糊

宋元祐五年重修孔子廟記

鄉貢進士杜德機撰文雲臺觀賜紫道士董宗卿刊縣尉王驥書並篆額外有主簿謝敏及權知涇陽縣賈公祐列名在聖廟

涇陽縣志

卷十八

金石畧

三

按聖廟創建舊志未載所始此碑記重修在元祐五年而云廟學久衰則廟學之立必在數十年前考史仁宗慶厯四年詔天下州縣立學下至元祐五年凡得四十六年廟學之初建當在慶厯中

宋政和七年法相院詩刻

在孟店鎮宋時孟店屬耀州故金石家多隸此石於耀州也詩曰解鞍得枕盡堂空萬慮銷沉午夢中莫說紅塵飛白日且從綠竹借清風壁排澗淡詩無敵殿鎖丹青筆有功又觸炎蒸出門去此生眞愧坐禪翁丙戌五月十一日蘭陵東長孺題後跋云東大夫文章翰墨自竒絕於世尤長於吟詠而深造之以道如前所題法相院詩蓋自然也後之學者宜拱默於茲頌其詩思其人遂募工募刊于石以示來者政和七年十一月初一日

保義郎監耀州孟店鎮酒稅聶循度書 揚同

宋紹聖二年游師雄題趙光輔畫壁

在縣北孟店鎮關中金石記謂在耀州者誤也光輔耀州人善畫番馬及佛道人物見宣和畫譜及圖繪寶鑑

金正隆三年雲陽縣移修城隍廟碑

縣人武戡撰文史鉞書在雲陽鎮

按城隍神之名始於三國時吳赤烏二年其祀則自古有之禮記伊耆氏始爲蜡祭八蜡中水庸之祀卽城隍也古又謂之方示詩小雅以社以方是也此文於城隍源流皆不能明

金大定三年寶峯院勅牒

在縣北成村里寶峯院

金大定四年洪福院勅牒

涇陽縣志

卷十八 金石畧

四

在縣東關洪福院

金大定四年正覺寺勅牒

在縣東南北馬村正覺寺

金大定十七年北極宮醮盆

在縣城內北極宮銘曰維金大定十七年歲次丁酉八月戊辰朔十五日壬午三清觀道士趙師通小師趙維壽鄉貢進士鄭時舉獻銘曰金當鎔兮柔而貞兮採模鳧氏躩踞虎形不湧不躍大器混成不曰鍾乎徒希其聲不曰鼎乎姑旌其名茲惟仰象告於 神明動天之德也醮祭惟馨奚取夫罇俎之腥

金大定二十年修北極宮

縣令蕭貢撰文商酒都監杜 書在北極宮

按今人所祀元武大帝宜稱元冥乃古人黑帝之祀也堯舜

禋於六宗用六色之木以象天地四方上元下黃東青南赤  
西白北黑謂之方明周禮曰兆五帝于四郊又曰祀五帝孔  
子告季康子謂之金木水火土五行之帝鄭氏注周禮爲青  
帝靈威仰赤帝赤熛怒白帝白招矩黑帝汁光紀黃帝含樞  
紐誠三代以上之大禮也自王肅駁鄭氏而後儒始有疑五  
帝之名者自明太祖定禮緣儒者天一而已安得有六之說  
郊壇專祀昊天上帝不判五帝之位每歲立春祇祭勾芒而  
不祭青帝于是五帝之祀並廢民間相沿尙立北極宮真武  
廟以祀元天上帝無賴道士遂造作妖妄若武當山若龜蛇  
將軍之類以欺罔愚民千餘年來無有能知其爲黑帝汁光  
紀者誣天蔑古皆儒者之罪也蕭貢此文不能辨元帝之爲  
黑帝議論亦淺腐因其爲金人所作存之俾後之金石家有

涇陽縣志

卷十八 金石畧

所考

金大定二十四年雲陽縣城隍廟創修樂臺碑

縣人武臣撰文劉弼書在雲陽鎮

金涇陽縣令許眞君詔

字剝泐不可識年月亦不可考在

元至元十七年圖明朗照眞人功行之碑

犀峯進士唐堃撰文涇陽縣尹王篆額河渠副使王 書在延

壽宮

按元制僧道能以自己衣鉢濟飢民者三百石之上六字師  
號都省出給二百石之上四字師號一百石之上二字師號  
俱禮部出給此圓明朝照出于上賜爲四字師號則功行在  
二百石之上也至正十一年初立河渠營田使司安置屯田

設官四員曰達魯花赤曰總管曰副總管曰同知凡有文移止稱屯田總管府爲水事則稱兼河渠司事此見于長安志圖說而元史未之載者也然四官各自一員不聞一官有兩員此碑末後題名有兩大使一副使其書碑者又一副使大使當卽總管副使當卽副總管是一官明有兩員矣碑文有足補史之闕者此類是也

元故總管趙得賢墓碑

宋渤撰並書張孔孫題額大德四年立在雲陽鎮西原

按此忠簡公之父也官至豐州軍民總管屢立戰功元史無傳

元大德十一年重修公宇記

集賢學士蕭斲撰文其子蕭恭書鄭械篆額在縣署

涇陽縣志

卷十八 金石畧

六

按記作於大德乙己是爲九年末後大德十一祀云云蓋立石之歲也渠水自三隈口分流入城至縣署自王侯仲瑗始文中所謂引流經其中畦蔬沼蓮者是也

元延祐三年重修北極宮記

清真觀三洞講師朱象先撰文楊道遠書並篆額在北極宮

按元代道教分三派正一教者張道陵之派也真大道教者劉德仁之派也太一教者蕭抱真之派也此文溯源天師正一之科則是正一教其實真大道教以苦節危行爲要乃是正一教之正宗而太一教但傳符籙之術又正一教中之末技也三洞者一洞真部出自元始天尊爲大乘上法二洞元部出自三界醫王大上道君爲中乘中法三洞神部出自十方道師太上老君爲小乘初法而正一部則統貫三洞而會

歸之故道士署銜必曰三洞講師也

元趙忠簡公神道碑

姚燧撰文蕭欒書延祐四年立在雲陽鎮西原

按元史不爲忠簡立傳此碑可補其缺

元至治三年重刊廣陽炎人賜謚碑

此碑爲延壽宮道士許抱元賜謚而立也旨中文太儉俗蓋是  
蒙古語經繙出而未潤色之者元詔多如此元史所載可按也  
峻魯古唐亦蒙古語元史謂之唐兀氏武宗妃文宗母也旭烈  
大王憲宗第六子旭烈兀也庚戌爲武宗至大三年

元至治四年復建延壽宮碑銘

碑爲道士廣陽子許君作秦志安撰文楊聰書安志順篆額皆  
道士也

涇陽縣志

卷十八

金石畧

元至順三年學田記

何希淵撰文大半殘泐不可讀末後題名有涇陽務大使副使  
瑞寧鄉有倉官皆足補元史之缺